

"bus"

Jaanan!

Me bus mein zindagi daikhta hun

Or mout daikhta hun

Bus k bayen jaanib ke seat py baithun to rastay mein

Tum Nazar aati ho

Bus k dayen jaanib ke seat py baithun to zamana Nazar aata ha

Bayen jaanib baith jaaun to zehn mein tumharay he khayal rehtay hain

Mjy rastay mein sarrak k kinaray lagay gulaab

Nazar aatay hain

Kisi Gali mein khailtay kuch bachay Nazar aatay hain

Aik taalaab Nazar aata ha

Jis mein batakhain khailti hoti hain

Apnay bachoun ko school k Liye chorrti wo maan Nazar aati ha

Jo barray Pyar sy phusla kar

Usko yaqeen dilaati ha k

Aj chalay jao Kal chutti kr laina

Bayen jaanib baith jaaun to mjy

Sarrak k kinaray lagi wo darakhtoun ke lambi qataar Nazar aati ha

Jin par Shabnam hoti ha

Jis mein tumhara chehra dikhayi daita ha

Bayen jaanib sy aasmaan par parinday urrtay Nazar aatay hain

Jo tumharay Ghar ke jaanib urr rhy hotay hain

Yeh soch kr he

Unky parroun py lagnay wali Hawa

Mjy apnay chehray par mehsoos hoti ha

Or phr Meri bus tumharay stop tak pohanchti ha

To mjy Tum Nazar aati ho

Youn Goya musaafir ko Manzil mil jaati ha

Phr waqt Kuch der k Liye ruk jaata ha

Or Kuch aagay ja kr

Waqt b bus ke raftar sy chalnay lgta ha

Lekin...

Lekin...

Agar me bus k dayen jaanib baith jaaun

To me smjh jata hun k aj Tum to mjy stop py Nazar nhi aao ge

Dayen jaanib baithun to mjy wo khaali dukaanain Nazar aati hain

Jin sy jhooti awaazain aati hain

Phr aik kabaarr ke dukaan Nazar aati ha

Jis mein Kuch tootay khilonay Nazar aatay hain

Khilonay daikh kar mjy apna bachpan yad aa jata ha

Aagay chal kr toll plaza Par kharri

2 bachoun ko Liye maangnay wali aik aurat Nazar aati ha

Jo khaali aankhoun sy bhari gaariyoun ko daikhti ha

Or JB gaarri guzar jaati ha to apnay barray bachay ke taraf daikhti ha

Or kehti ha wo daikho aik or gaarri aa gayi

Dayen jaanib baithun to rastay mein

Aik qabaristan Nazar aata ha

Jahan subha subha he aik shakhs Kisi qabar k kinaray ro rha hota ha

Wo Kisi k wapis aanay ke umeed lgaye huway ha

JB aasmaan ke jaanib daikhta hun ho to ubharta huwa sooraj Nazar aata ha

Jis sy zehn mein yeh khayal aata ha

K aj is ke germi sy Kuch to lab sookhain gy

Magar

Unhein seraab krny wala koi NAHI Hoga

Bus k dayen jaanib ke seat wali khirrki k sheeshay mein

Mjy apna aks b Nazar aata ha

Or phr Meri bus asal Manzil par pohanch jati ha

Yun jaanan,

Me bus mein zindagi or mout ko daikhta hun

Bayen jaanib Tum Nazar aati ho
Or dayen jaanib baaki manzar